

ხ ე ლ შ ე კ რ უ ლ ე ბ ა
სახელმწიფო შესყიდვის შესახებ N119
(ავტონომიური რესპუბლიკის ბიუჯეტი)

ქალაქი ბათუმი

23 ივნისი, 2022 წელი

ერთი მხრივ, სსიპ „აჭარის მუზეუმი“ (შემდგომში „შემსყიდველი“), წარმოდგენილი დირექტორის - თეონა ზოიძის სახით და მეორეს მხრივ შპს „პროვადერ.ჯი“ (შემდგომში „მიმწოდებელი“), წარმოდგენილი - დირექტორის სალომე კვიციანიძის სახით, „სახელმწიფო შესყიდვების შესახებ“ საქართველოს კანონის მე-3 მუხლის 1-ლი პუნქტის „ს“ ქვეპუნქტის და სსიპ აჭარის მუზეუმის ლოჯისტიკის მენეჯერის - ლევან ჭანტურიშვილის 2022 წლის 21 ივნისის მოხსენებითი ბარათის საფუძველზე დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს მომსახურების გაწევას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. ხელშეკრულების საგანია სსიპ - აჭარის მუზეუმის შემადგენლობაში შემოვალი მუზეუმებისთვის საჭირო ჰიგიენური და სხვა სახის საქონლის მიწოდებასთან დაკავშირებული სახელმწიფო შესყიდვა: CPV18400000 - სპეციალური ტანსაცმელი და აქსესუარები, CPV19640000 - პოლიეთილენის პარკები, CPV24900000 - სუფთა ქიმიკატები და სხვადასხვა ქიმიური ნივთიერებების პროდუქტები, CPV30200000 - კომპიუტერული მოწყობილობები და აქსესუარები, CPV33700000 პირადი ჰიგიენის საშუალებები, CPV39500000 - ქსოვილის ნივთები, CPV39200000 - საოჯახო ნივთები და CPV39800000 - საწმენდი და საპრიალებელი პროდუქცია.
- 2.2. კონკრეტული საქონლის დასახელება, ზომის ერთეული, რაოდენობა და კლასიფიკატორის კოდი განისაზღვრება ფორმა #3-ით.

3. ხელშეკრულების ღირებულება

- 3.1. ხელშეკრულების ჯამური ღირებულებაა 2259.55 ლარი (ორიათას ორასორმოცდაცხრამეტი ლარი და 55 თეთრი);
CPV18400000 - სპეციალური ტანსაცმელი და აქსესუარები - 82.90 ლარი;
CPV19600000 - ტყავის, ტექსტილის, რეზინისა და პლასტმასის ნარჩენები - 142.50
CPV24900000 - სუფთა ქიმიკატები და სხვადასხვა ქიმიური ნივთიერებების პროდუქტები - 28.75
CPV30234100 - კომპიუტერული მოწყობილობები და აქსესუარები - 80 ლარი;
CPV39290000 - საოჯახო ნივთები - 123.20 ლარი.
CPV33760000 - პირადი ჰიგიენის საშუალებები - 1138.80 ლარი;
CPV39500000 - ქსოვილის ნივთები - 234.30 ლარი;
CPV39832000 - საწმენდი და საპრიალებელი პროდუქცია - 429.10 ლარი.
- 3.2. საქონლის ერთეულის ღირებულება განსაზღვრულია ფასების ცხრილით.
- 3.3. ხელშეკრულების ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

4. მიწოდების ვადა და ადგილი

- 4.1. საქონლის მიწოდების ვადაა ხელშეკრულების დადებიდან 2022 წლის 30 ივნისამდე პერიოდი.
- 4.2. საქონლის მიწოდების ადგილია ქ. ბათუმი, ახვლედიანის ქ. N4.

5. მიღება - ჩაბარების წესი

- 5.1. საქონლის მიღება-ჩაბარებას ახორციელებენ სათანადოდ უფლებამოსილი პირები.
- 5.2. შემსყიდველის მხრიდან საქონლის მიღება-ჩაბარებაზე უფლებამოსილია ხელშეკრულების შესრულების კონტროლის განმახორციელებელი პირი.
- 5.3. საქონელი ან მისი ნაწილი ჩაითვლება მიღებულად მხოლოდ მიწოდებული საქონლის რაოდენობის და ღირებულების მითითებით შედგენილი მიღება-ჩაბარების აქტის გაფორმების შემდეგ.
- 5.4. შემსყიდველმა უნდა შეამოწმოს შესყიდვის ობიექტი ხელშეკრულების პირობებთან მიმართებაში.
- 5.5. თუ შესყიდვის ობიექტი არ შეესაბამება ხელშეკრულების პირობებს, შემსყიდველი მიმწოდებელთან ერთად ან მის გარეშე ადგენს აქტს დადგენილი წესის შესაბამისად.
- 5.6. შემსყიდველი ვალდებულია ოპერატიულად (წერილობით ან ზეპირი სახით) აცნობოს მიმწოდებელს დაწუნებული საქონლის თაობაზე წუნდების მიზეზის მითითებით.

6. ანგარიშსწორების ფორმა, წესი და ვადები

- 6.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ რეკვიზიტებზე ეროვნულ ვალუტაში.
მუხლით განსაზღვრული წესით შედგენილი მიღება-ჩაბარების აქტის შესაბამისად შევსებული სასაქონლო ზედდებულის ან/და საგადასახადო ანგარიშ-ფაქტურის წარმოდგენიდან 15 სამუშაო დღის განმავლობაში.
- 6.3. მიმწოდებელი ვალდებულია წარმოდგენილ სასაქონლო ზედდებულზე ან/და საგადასახადო ანგარიშ-ფაქტურაზე მიუთითოს ყველა საჭირო რეკვიზიტი. წინააღმდეგ შემთხვევაში, შემსყიდველს უფლება აქვს არ მიიღოს დოკუმენტი.

7. გარანტია

- 7.1. მიმწოდებელის იძლევა გარანტიას, რომ მიწოდებული საქონელი ექსპლუატაციის დროს არ გამოავლენს დეფექტებს.
- 7.2. მიმწოდებლის მიერ ხელშეკრულებით განსაზღვრული მიწოდებული საქონლის ხარისხი უნდა შეესაბამებოდეს ხელშეკრულებით განსაზღვრულ პირობებს და არსებულ სტანდარტებს.
- 7.3. 7.2. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს საქონელი ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.

8. ხელშეკრულების შესრულების კონტროლი

- 8.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.
- 8.2. ხელშეკრულების შესრულების კონტროლს ახორციელებს - ლევან ჭანტურიშვილი და შოთა აბაშიძე.
- 8.3. ხელშეკრულების შესრულების კონტროლი ხორციელდება სისტემატიურად.
- 8.4. კონტროლი ხორციელდება როგორც შუალედური ფორმით - საქონლის მიწოდების პროცესში, ისე მისი დამთავრების შემდგომ, მიღება-ჩაბარებისას.
- 8.5. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

9. მხარეთა პასუხისმგებლობა ხელშეკრულების პირობების შეუსრულებლობისათვის

- 9.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.02 პროცენტის ოდენობით.
- 9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
- 9.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

10. დაუძლეველი ძალა

- 10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი

ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.

10.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.

10.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.

10.4. 10.3. მუხლით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.

10.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

11. ხელშეკრულებაში ცვლილებების შეტანა

11.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

11.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. ხელშეკრულების შეწყვეტა

12.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია გასწიოს მომსახურება ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში.

12.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3. ხელშეკრულების 12.1 პუნქტში მითითებულ შემთხვევებში შემსყიდველი ვალდებულია მიმწოდებელს აუნაზღაუროს ფაქტობრივად გაწეული მომსახურების ღირებულება.

12.4. შემსყიდველი ვალდებულია არანაკლებ 5 დღით ადრე წერილობით აცნობოს მიმწოდებელს 11.1. პუნქტით გათვალისწინებული გადაწყვეტილების მიღების განზრახვის თაობაზე.

12.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

13. სადავო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

14. თანმდევი მომსახურება

14.1. მიმწოდებელი იღებს ვალდებულებას შეინახოს მიწოდებული საქონელი შემსყიდველის მოთხოვნამდე შეფუთვაზე (ტარაზე) მითითებული წესის სრული დაცვით.

14.2. თანმდევი მომსახურების ღირებულება შედის საქონლის ღირებულებაში.

15. სხვა პირობები

15.1. საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

15.2. მიმწოდებელმა უნდა უზრუნველყოს საქონლის ისეთი შეფუთვა, რომელიც დაიცავს მას დაზიანებისა ან გაფუჭებისაგან ფასების ცხრილში მითითებულ დანიშნულების ადგილამდე ტრანსპორტირების პროცესში.

15.3. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15.5. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

15.6. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულებული ქართულ ენაზე.

15.7. ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი ეგზემპლარი ინახება შემსყიდველთან და ერთი ეგზემპლარი მიმწოდებელთან.

16. ხელშეკრულების მოქმედების ვადა

16.1. ხელშეკრულება ძალაში შედის მხარეების მიერ ხელშეკრულების ხელმოწერის დღიდან და მოქმედებს 2022 წლის 31 დეკემბრამდე.

17. მხარეთა რეკვიზიტები

შემსყიდველი:	მიმწოდებელი:
სსიპ "აჭარის მუზეუმი"	შპს „პროვადერ.ჯი“
ბ/კ TRESGE22	ბ/კ BAGAGE22
სახაზინო კოდი: 05131105	ა/ნGE85BG000000929934400
ს/კ 245 769 271	ს/კ 445 427 119
ბანკის დასახელება:	ბანკის დასახელება:
სახელმწიფო ხაზინა	სს "საქართველოს ბანკი"
დირექტორი თეონა ზოიძე	დირექტორი: სალომე კიკვაძე

ფასების ცხრილი

№	დასახელება	CPV კოდი	საზომი ერთეული	რაოდენობა	ფასი	თანხა
1	სამეურნეო ხელათამანი ლ ზომა (12)	18424000	წყვილი	23	2.30	52.90
2	სამუშაო ხელათამანი ნიტრილის ლ	18424000	შეკვრა	2	15.00	30.00
3	ნაგვის ტომარა 55*60	19640000	რულონი	100	1.20	120.00
4	ნაგვის ტომარა 80*110	19640000	რულონი	5	4.50	22.50
5	ტუალეტის ქაღალდი ჯუმბო	33760000	შეკვრა	132	2.75	363.00
6	ხელსახოცი Z კლასიკი	33760000	ცალი	156	2.55	397.80
7	ტუალეტის ქაღალდის კომფორტი	33760000	ცალი	600	0.50	300.00
8	ხელსაწმენდი ქაღალდი ეკონომი	33760000	ცალი	24	3.25	78.00
9	მიკროფიბრა მაგიდის ტილო 40*70	39525800	ცალი	23	3.30	75.90
10	მიკროფიბრი საწმენდი ტილო 40 x 40	39525800	ცალი	27	1.70	45.90
11	მიკროფიბრი საწმენდი ტილო 60*80	39525800	ცალი	25	4.50	112.50
12	ღრუბელი 5ც	39220000	ცალი	4	3.30	13.20
13	ცოცხი	39220000	ცალი	4	9.50	38.00
14	ჯოხი რკინის	39220000	ცალი	3	6.50	19.50
15	მოპის სათადარიგო მაკარენა	39200000	ცალი	3	9.50	28.50
16	მოპის სათადარიგო თავი პლასტმასის	39200000	ცალი	3	8.00	24.00
17	პოთხანი	39832000	ყუთი	12	3.80	45.60
18	კასპერის ყელე	39832000	ცალი	3	1.35	4.05
19	ქლორი ჰიპო	39832000	ცალი	7	1.80	12.60
20	შუშის საწმენდი	39832000	ცალი	10	3.75	37.50
21	ფეირი ლიმონი	39832000	ცალი	7	3.50	24.50
22	დომესტოსი	39832000	ცალი	25	3.50	87.50
23	მონიტორის საწმენდი სითხე	39832000	ცალი	1	11.50	11.50
24	იატაკის საწმენდი სითხე	39830000	ცალი	5	6.50	31.75
25	სიფ კრემი	39830000	ცალი	15	3.50	52.50
26	თხევადი საპონი პროსალი	39830000	ცალი	7	10	70.00
27	ავეჯის საწმენდი	39830000	ცალი	5	3	15.00

28	მეტლახის/ლამინატის საწმენდი	39833000	ცალი	3	8.20	24.60
29	მწერების საწინააღმდეგო აეროზოლი	24959100	ცალი	5	5.75	28.75
30	ჰაერის გამწმენდი აეროზოლი	24959100	ცალი	3	4	12.00
31	დისკი DVD	30234300	ცალი	50	0.80	40.00
32	დისკი CD-R	30234300	ცალი	50	0.80	40.00

საერთო ღირებულება: 2259.55 ლარი (ორიათას ორასორმოცდაცხრამეტი ლარი და 55 თეთრი)

მიმწოდებელი

შპს პროვაიდერ.ჯი
დირექტორი სალომე კიკვაძე

შემსყიდველი



აჭარის მუზეუმი
დირექტორი თეონა ზოიძე

ინფორმაცია

ინტერესთა კონფლიქტის შესახებ

23 ივნისი, 2022 წელი

ქ. ბათუმი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ხელის მოწერით ვადასტურებ, რომ სსიპ „აჭარის მუზეუმი“-ს მიერ შპს „პროვაიდერ.ჯი“-სთან (ს.კ. 445427119) 2022 წლის 23 ივნისს დადებული N119 სახელმწიფო შესყიდვის შესახებ ხელშეკრულებით გათვალისწინებული საქონლის შესყიდვაში ჩემი მონაწილეობა არ იწვევს ინტერესთა კონფლიქტს.

დირექტორი



/თ. ზოიძე/